



UKA 2017/51  
Nuuk, 08.11.2017  
Iddimanggiu Bianco

### **Pinerluffigineqarsimasunut ikiuisarnitta ilaatigut eqqugaasunik siunnersuisarnermik pilersitsinikkut qanoq pitsanngorsarneqarsinnaaneramik apeqquteqaat aallaavigalugu oqallinnissamik siunnersuut.**

(Inuit Ataqatigiit Inatsisartuni ilaasortaataitai)

Oqallissaarut soqutiginarluinnartoq pingaaruteqarluinnartorlu imatut Inuit Ataqatigiinniit oqaaseqarfigissuarput.

Ilumoorsorinarluinnarpoq peqqarniilliorfigineqarsimasut ikorfartorneqarnerat annikilluinnartuusooq, taamaattumik iliuuseqarfigineqarnissaa pingaaruteqarluinnartuusooq.

Ilisimasatsitut Danskit akisussaaffigisaanik eqqartuinerput, pissusissamisoorluinnarpoq qujanarlunilu Folketingimi aamma eqqartorneqartut manna ilagimmassuk. Tassani ilaasortaatarput Aaja Chemnitz qujaffigerusupparput. Taassumalu unamminartup eqqumaffigineqarneranik annertusisussaasoq neriutigissavarput, pingaarnermillu kinguneqartitsinissaanik neriunarluni.

Naalakkersuisut suliniutaannut ersarissunut Naalakkersuisut akissuteqarnerannik qujanaq. Ersarippoq siunnersuisarfinnik assigiinngitsunik pilersaarusiortoqarneranik. Misissuerusussuserlu eqqugaasut aqqusaartagaannut takusinnaallutigu.

Nunatsinni piumassutitsinnik suleriuseqarnerput ineriartortitassaavoq annertoq, sunut attuumagaluarpalluunniit. Assersuutigalugu Inatsisinut Ataatsimiitsitaliaq paasisassarsiorluni angalanerani pulaarneqartut ilagaat Saqitsaattoqarnerani isumaqatigiissitsiniartartut (konfliktråd) tassanilu suleqataasut isumaqatigiisitsiniartartut 550-iusut nammineq piumassutsiminnik sulisuupput.

Danskit akisussaasuusut eqqugaasunut sullissinerannut pitsanngorsagassarpasuupput, Naalakkersuinikkut Inatsisartutigullu aammattaaq eqqartuussiveqarfiit susassaqtullu allat suleqatigiinneratigut pitsanngorsaaneq ingerlanneqartussaavoq, tamanna minnerpaamik pissusaaffittut isigineqarnissaa pissusissamisoorsorinarpoq. Kisiannili aamma allatigut eqqarsaateqarsinnaaneq misilittakkat allat isigalugit iliuuseqartoqarsinnaanera aamma soqutigisassaraarput, assersuutigalugu nammineq piumassutsitigut suliniarneq. Tamannalu suliniartunut orniginartuunissaa pissarsiaqarfigilluagassatullu inissinnissaa pingaaruteqarpoq.

Qujanaq